

冷

廬

醫

話

冷齋醫話卷五

桐鄉 陸以湑 定圃氏著

幼科

小兒解顱者因腎氣虛弱腦髓不實不能收斂而顱爲之大也宜急服地黃丸補之萬密齋幼科發揮云一兒頭縫四破皮光而急兩眼甚小萬曰腦者髓之海也腎主骨髓中有伏火故髓熱而頭破額顱大而眼楞小也宜服地黃丸其父母不信至十四歲而死余族一姪孫幼時解顱頭大而面甚小至十六歲竟死余按龜板治小兒顱不合加入地黃中煎服似尤應驗

治小兒驚風砂雪丸用硃砂輕粉各一錢殭蠶十箇蝎
三箇以青蒿節中蟲搗和爲丸研細人乳調服相傳其
方甚神余按輕粉辛燥有毒治之不得其法則毒氣竄
入經絡變成他疾爲害非淺不若用青蒿蟲末和燈草
灰調人人乳服之或飼小兒睡時以銅管吹青蒿蟲末
和燈草灰入其口中法尤簡妙屢屢獲效不可忽視

喻嘉言溫證明照云凡小兒發熱嘔吐者倘未佈痘卽
須審諦不可誤用溫胃之藥里中一宋侯高年一子恣
啖不禁每服香砂平胃散極效一夕痘發作嘔誤服前
藥滿頭紅筋出斑點密攢筋露所謂瓜藤斑也上饒

相公一好髻齡選貢赴宴返寓痘發作嘔乃父投以藿
香正氣丸一夕舌上生三黑疔如尖栗形舌下生四黃
疔如牛癩形蓋痘邪正出阻截其路凶變若此當以爲
戒余按小兒患病挾熱者多溫燥之藥皆宜慎用不特
痘症宜防也憶在杭州時有府胥張某子十歲夏月觸
暑發熱惡寒不食醫投以藿香正氣丸遂至熱盛神昏
唇舌焦乾口鼻出血而殞聶久可活幼心法云小兒多
吐之後胃氣大虛氣不歸元陽浮於外反有面赤頭熱
身熱作渴而似熱症者俗醫誤認爲熱投以涼藥殺人
如反掌故治吐瀉而藥不中病者與其失之寒涼甯失

之溫補失之溫補猶可救療失之寒涼其禍甚速不及救也余按此說與前條喻氏所論絕相反參觀焉而各有至理惟在審症之的而已蓋凡症之初起發熱作渴而吐者挾熱居多吐後復發熱作渴者往往有屬虛寒者矣司命者其慎之

吾邑孔雅六學博

憲采

長女初生啼哭一聲後竟默不

作聲查方書捉貓一隻以袂包之持向女耳邊隔袂咬貓耳貓大噪一聲女卽應聲而啼後遂無他今已出嫁生子矣此卽古之所謂禁方其理莫能測也醫學入門云初生月內多啼者凡胎熱胎毒胎驚皆從此而散且

無奇症沈芊綠甚疑其說因謂兒啼只宜輕手扶抱任其自哭自止切不可勉強按住或令吮乳止之若無他病不必服藥余謂是固然矣然有因他故而啼者杭州樂懷谷女方襁褓忽啼不止拍之則愈啼解衣視背見繡針微露其緒而針已全沒醫治之雜以藥敷肉潰而針終不出延至百餘日賣酒家傳一方以銀杏仁去衣心杵爛菜油浸良久取油滴瘡孔中移時針透瘡口而針則已灣蓋強拍入之也又曾世榮於船中治王千戶子頭疼額赤諸治不效動卽大哭細審知爲船篷小篾刺入顙上皮肉鋸去卽愈然則小兒啼哭苟有異於尋

常卽當細心審察固不必一概投藥亦不得任其自啼
自止也

痘

翼駒稗編云海州劉永有一子年五歲出痘徧體疙瘩
大如甌凡三四十醫皆不識有老嫗年七十餘見之曰
此包痘也吾所見并此而二決無他虞六七日疙瘩悉
破內如榴子層層灌漿皆滿真從來未覩者痘書充棟
亦無人道及可見醫理淵深卽痘疹一門已難測識矣
余按此可以補諸痘書之闕錄云

阜平趙功甫長於治痘痘始萌一望已知其結局自云

一生療痘無藥不用而從未有用附子者今按曾世榮
治侯自牧子痘盛夏用附子費養恒治馮憲副孫痘亦
用附子皆採入續名醫類案然則治痘非無用附子之
症特不恒有耳

崔默庵論痘症曰今人治痘率用升麻葛根湯使毒氣
盡升頭面後多難治戒升麻勿用多用葛根及橫解之
劑少加桂枝令其毒盡散於四肢卽險逆之症亦可爲
矣見劉繼莊廣陽雜記

疳

治小兒疳病集聖丸

人參 蟾蜍 川連 各三錢 歸身 川芎
陳皮 五靈脂 蓬莪 茂夜明砂 使君

子內蘆薈砂仁木香各二錢公猪胆一
箇和藥末爲丸如龍眼大每服一九 不寒不熱亦補

亦消最爲穩善名醫類案所載單方三亦佳一用山查

一兩 白酒麪一兩 取多年瓦夜壺中人中白最多者裝

入二物炭火煨存性研細末每服六分滾水送下其一

用雞蛋七枚輕去殼勿損衣膜以胡黃連一兩 川黃連

一兩 童便浸春秋五日夏三日冬七日浸透煮熟服之

其一用大蝦蟆十數箇打死置小口缸內取糞蛆不拘

多少糞清浸養盛夏三日春末秋後四五日以食盡蝦

蟆爲度用粗麻布袋扎住缸口倒置活水中令吐出污

穢淨置蛆於燒紅新瓦上焙乾食之每服一二錢或用炒熟

大麥麴和少蜜作餅或丸令兒食

此皆以人身氣化之物入消導藥治

之可稱靈妙

小兒無辜疳腦後項邊有核如彈丸按之轉動軟而不

疼壯熱羸瘦頭露骨高有謂妖鳥

一名夜行游女

夜飛其翼有

毒拂落于人家晒晾未收之襁褓衣上兒著之則病有

斥其說爲妄謂無辜鳥名啼時兩領扇動如癩癧之項

小兒肝熱目暗頸核累累其狀相類因以爲名宜用逍

遙散加減治之有謂因乏乳所致又有謂饑飽勞役風

驚暑積八邪所致宜用布袋丸治之余謂妖鳥之說無

論其是否但見項邊有核卽當挑刺以藥治之若至大

而潰膿法不能療至其用藥則仍不外治疳病之法耳

外科

治膿窠疥瘡用大楓子

五十粒

草麻子

五十粒

蛇床子

三錢以上三味研細另包

麻黃

錢半斑蝥去翅足三個

雄猪油

兩一

先將麻黃斑蝥二味同

入猪油內煎枯去渣盡淨再將前三味放下緩緩熬煎待渣黑然後取起用絹袋包裹向患處頻頻擦之此方

吳子嘉所傳云曾經試過甚效

子嘉又傳治發背癰疽一切無名大毒以及瘡癤等症

神方名迅風掃籜散云得自常熟屢試不爽用穿山甲

七蜈蚣去頭足七條

蟬退

五錢洗

殭蠶

炒去絲二錢

乳香

去油二錢半

沒

藥去油二錢半全頭足要全酒浸斑去翅足糯明雄黃
五錢麝香一錢冰片八分五倍子一兩共為細末曝乾
勿令見火摻於毒上再以尋常膏藥蓋之其效如神若
遇大毒須加升丹少許和藥末同摻其升丹必要自製
市中者不驗

升丹方水銀一兩白礬一兩二錢牙硝一兩二錢皮不可用先將礬

硝二味研細再入水銀用小廣鍋一隻盛藥再以粗碗

一隻覆於鍋上用細白皮紙搓作紙索蘸水微濕築於

碗口另用細礬末摻紙上再用生石膏粉滿蓋碗底以

鐵秤錘壓碗上畢以大釘四枚釘入泥地用硬炭燒三

炷官香

四圍須用磚護住火方有力

第一炷火文第二炷火武

炷香

間須防走漏

第三炷火大武當以扇拂之冷定開視而丹成

矣

丹在碗上藥渣棄去不可用

方書所言內癰大概詳於肺胃大小腸其他臟腑均略焉吾鄉有患肝癰者醫以爲肺癰服藥後日就危篤延張夢廬學博視之識爲肝癰誤治卒不能救藥而殞按內經云期門隱隱痛者肝疽其上肉微起者肝癰又云肝癰兩肱滿卧則驚不得小便是其症亦尙易辨特俗醫不學遂致殺人耳陳遠公云肝癰在左而不在右左脇之皮必見紅紫色而舌必見青色治必平肝爲主佐

以瀉火去毒宜化肝消毒湯白芍當歸各三兩金銀花
五兩黑山梔五錢生甘草三錢水煎服蓋其治法與肺
癰迥殊也

王洪緒外科全生集論馮氏錦囊治陰疽以溫補兼托
以爲初起平塌安可用托托則成功宜以潰爲貴卽流
注瘰癧惡核倘有潰者仍不敢托托則潰者雖斂增者
又何如耶因立陽和湯以施治熟地一兩鹿角膠三錢
白芥子二錢肉桂一錢
甘草一錢麻黃五分薑炭五分遇平塌不痛大疽倍加熟地嚴兼三謂
生平遵此法以治陰症屢獲奇驗嘗於六月中治一男
子徧身熱毒而腹上獨生一疽平塌不痛診其脉沈微

無力乃用陽和湯加附子黃芪服之疽消而愈蓋熱毒發於表而陰疽根於內故必治其本焉因思古方治一切癰疽用仙方活命飲未成者即消已成者即潰云是瘡癰之聖藥然以治陰疽則有銀花赤芍花粉貝母等涼藥不若陽和湯專用溫補能消患於未萌也

海甯許辛木部曹

棧

精醫理尤長於外科所製膏丹必

購求良藥親自研鍊拯治危症甚多嘗言癰癰一症服藥最難見效外治亦鮮良方王氏全生集消核膏曾試用之蘊熱重者轉致紅腫蓋藥品多毒烈也因以控涎丹爲主加入麻黃煎成膏藥普施甚效故友湯緒雲又

加入數味嗣後求者踵至不獨瘰癧凡痰核乳巖貼之
初起卽消久者縱不能消亦不再大妙在並無斑蝥蜈
蚣全蝎等毒藥雖好肉貼之無損石門某醫之文頸生
瘰癧十餘年自爲醫治不效且有潰者聞部曹有自製
消核膏挽人求索令未潰者貼此膏已潰者貼陽和解
凝膏見全生集換以九一丹每次索膏必數十張如是數月
未潰者消已潰者斂遂不復發今嫁人有子女矣此方
治愈者眾其藥用製甘遂二兩紅芽大戟三兩白芥子八錢麻
黃四錢生南星一兩直天蠶一兩朴硝一兩藤黃一兩薑
半夏一兩九一丹用降藥九分生石膏一分

外科之症有與內科相似者最宜詳審凡諸癰毒初起惡寒發熱不可誤認傷寒又骨槽風不可誤認牙痛鶴膝風不可誤認痛痺痔血不可誤認腸紅肺癰不可誤認外感咳嗽腸癰不可誤認諸腹痛此類尙多不可悉數

質直談耳載舊青浦鎮瘍醫陳天士名馳四方就醫者日不下數十人其藥最秘者手治之歲久毒氣薰炙晚年中拇間生惡疽知不可療聞南去百五十里地名潭中有一叟精於針砭恒自晦不欲以術自鳴卽易姓名疾赴其所乞治之叟曰此藥毒也君殆知醫向之中惡

深矣不發則已發必難治非吾力所及也蓋往質諸陳
天士乎天士大恐速歸疽遂潰神昏而歿余謂陳雖能
醫技猶未精也秋鐙叢話云北賈貿易江南喜食猪首
兼數人之量有精于岐黃者見之問其僕曰每餐如是
已十有餘年矣醫者云病將作凡藥不能治也俟其歸
尾之北上將以爲奇貨久之無恙復細詢其僕曰主人
食後必滿飲松蘿茶數甌醫爽然曰此毒惟松蘿可解
悵然而返使陳能如此賈之豫爲防何致成不治之症
乎

外科正宗一書近世盛行醫者信而遵之往往用披針

及三品一條鎗等法誤人不少是書徐靈胎有評本余
曾從陳載庵借錄一過後許辛木又加註釋屬余爲之
校正將以救世醫之弊已付刊矣適逢寇亂中輟余所
錄之本亦燬於兵燹辛酉秋日避難於東林山後從湯
欣庵借錄副本因摘錄於此俾習外科者觀之庶不爲
是書所誤正宗云初起未成者用拔針當頂點入知痛
處出其惡血通其瘡竅隨插蟾酥條直至瘡底見腦疽論後
評云此必死之法誤盡蒼生其不死者亦必卧牀幾
月服大補之藥而後得安正宗云拔針當頂插入知痛
處方止隨用蟾酥條插至孔底見神妙拔根方下又云三日後

加添插藥其根高腫作疼評云凡瘡未成者一見血則
毒走肌傷輕者變重重則必死況又插入藥條以致痛
極腐爛斷無消理此等惡法害人不淺然此原云陰症
當用此法乃近人不知不論陰症陽症輕病重病皆用
此法殺人無算間有愈者皆痛苦哀號死裏逃生乃皆
奉爲金科玉律舉世皆然無人救正豈不傷心又評云
用此法者我目中已見殺數十人矣卽眞陰症亦不宜
用况陰症千不得一非平塌者卽爲陰症也評三品一
條鎗後云此治惡毒頑瘡間有可用近日庸醫不論何
瘡俱用此法殺人無算深爲可恨製方之人原只用以

治不知痛癢及死肌頑肉誰知後世惡人竟爲必用之
品不可不歸咎於作俑人也余因思周岷帆學士患瘤
爲費某用三品一條鎗致死見醫鑒門由於未見徐評故耳
醫者專主一家之言不知虛懷好學博採精研而欲免
於誤人也豈可得哉

疔

本草綱目蒼耳草蟲治疔方余以治多人無不獲效其
法於夏秋之交取蒼耳草莖憔悴有穴孔處拍開取蟲
蟲如蠶而小長不過四五分其行甚速以紙包裹置火爐上烘極乾藏瓶
中勿出氣用時研細末摻在疔瘡膏藥藥店有之中心貼向

疔瘡頭上

先用銀針向疔瘡頭上微挑開

當有水流出血六時許疔根

自拔按三因極一病證方論有治一切疔腫神方蒼耳

草

根莖苗子但取一色便可

用燒爲灰醋泔淀和如泥塗上乾卽換

之不過十度卽能拔出根

此法本千金方

又按劉雲密本草述

云一切疔腫危困者用蒼耳根葉搗和小兒尿絞汁冷

服一升日三服拔根甚驗此二方余未經親試如用之

獲效無事取蟲傷物命矣特識之

癰疽宜灸而疔獨忌灸癰疽藥每用酒煎而疔獨忌酒

皆以其助火也又治疔膏藥忌用桐油紙惟當用布刺

疔針忌用銅鐵惟宜用銀

針灸

夏日宜灸汪石山駁正之甚是一近事尤堪爲戒錢塘
陳氏子患瘰得一方云夏日於日中灸背當可見愈如
法行之至深秋得伏暑症甚重醫治不效而卒古者針
灸之法與藥並重後世羣尙方劑投藥無功始從事於
針灸又往往不能獲效或轉增重則以精此技者甚少
且未審病之宜針灸與否也葉天士謂針灸有瀉無補
但治風寒中穴之實症見來蘇集批本此言信然嘗見有癰症
挾虛因針而轉劇痿症挾熱因灸而益重是不可以不
慎也

孟子求三年之艾趙氏註云艾可以爲灸人病乾久益善故以爲喻按說文火部云灸灼也從火久聲俗讀炙誤也

藥品

新絳金匱旋覆湯用之治肝著亦治婦人半產漏下本草綱目獨遺之黃坤載長沙藥解言之較詳云新絳味平入足厥陰肝經行經脉而通瘀澀歛血海而止崩漏又云新絳利水滲濕濕去則木達而血升故能止崩漏其諸主治止崩漏吐衄泄痢諸血除男子消渴通產後淋瀝止血燒灰存性研用消渴淋瀝煮湯溫服其云諸

症消渴皆緣土濕而不及於火蓋其生平深惡滋陰故立言不免於徧也

左牡蠣

取殼以項向北腹向南視之口斜向東者爲左顧左顧者雄右顧者雌

左盤龍

錫

左纏鯨

金銀花

皆以左爲貴秦芄根有羅紋亦以左旋者

入藥右旋者令人發腳氣病盧子蘇云蓋天道左旋而人生氣從之也

桃仁最易發脹震澤某氏子甫十餘歲食之過多脹死棺殯卽殯之郊逾年啟棺焚葬其尸覆卧棺中手足皆作撐抵勢蓋桃仁之性既過而甦棺甚脆薄得不悶死轉側其身以求出力微卒不能破棺而死耳豬膚王海

藏以爲鮮豕皮吳綬以爲燂豬時刮下黑膚汪石山謂
考禮運疏革膚內厚皮也膚革外薄皮也則吳說爲是
膚者膚淺之義謹按

御纂醫宗金鑑方解云豬膚者乃革外之膚皮也其體
輕其味鹹輕則能散鹹則入腎故治少陰咽痛是以解
熱中寓散之意也詮釋詳明可以括諸家之說矣

參冬通胃絡不去心入養肺陰藥則宜去心陳載庵說
其生平治驗如此

凡木之花皆五出惟桂花四出梔子花六出桂乃月中
之木梔子卽西域之簷蔔也桃杏花六出者子必雙仁食之殺人

傷寒論之蜀漆乃常山之莖也金匱要略之澤漆乃與大戟同類而各種也今皆不以入藥惟草澤醫人用以猫兒眼睛草治水蠱者卽澤漆也

李東壁謂香薷乃夏月解表之藥猶冬月之用麻黃氣虛者尤不可多服今人謂能解暑概用代茶誤矣程氏鍾齡謂香薷乃消暑要藥而方書稱爲散劑俗稱爲夏日禁劑夏既禁用則當用於何時此不經之說致令良藥受屈此二說程杏軒醫述並載之余謂李說爲是程說不可從香薷雖非夏日禁劑然維陽氣爲陰邪所遏用以發越陽氣則官其餘中暑之病均不可用今人夏月又有以薑香代茶者亦誤夏月可常服以除

暑者惟陳青蒿耳余每于秋仲採青蒿洗晒收藏次年夏入甑煎露用以代茶殊勝

連翹功專瀉心與小腸之熱本經及諸家本草並未言其除濕惟朱丹溪謂除脾胃濕熱沈則施謂從蒼朮黃柏則治濕熱而吳氏本草從新又謂除三焦大腸濕熱近世醫家宗之遂以爲利濕要藥不知連翹之用有三瀉心經客熱一也去上焦諸熱二也爲瘡家聖藥三也此足以盡其功能矣

枸杞子諸家本草有謂其甘平者有謂其苦寒者有謂其微寒者有謂其甘微溫者均未嘗抉發其理惟張石

頭本經逢原謂味甘色赤性溫無疑緣本經根子合論
無分以致後人或言子性微寒根性大寒蓋有惑於一
本無寒熱兩殊之理夫天之生物不齊往往豐於此而
濇於彼如山茱萸之內濇精核滑精當歸之頭止血尾
破血橘實之皮滌痰膜聚痰不一而足卽炎帝之嘗藥
亦不過詳氣味形色安有味甘色赤形質滋腴之物性
寒之理其辨別獨精勝於諸家余壯歲服藥每用枸杞
子必齒痛中年後服之甚安又嘗驗之肝病有火者服
枸杞子往往增劇謂非性溫之徵耶

張叔承本草選謂方書所用大棗不分黑白細詳之乃

是紅棗之大者若黑棗則加蜜蒸過者又謂今人蒸棗
多用糖蜜拌過久食最損脾胃助濕熱也竊意紅棗力
薄和胃則宜黑棗味厚補中當用似不得混同施治至
助濕熱之說理不可易是以多食則齒生蟲而致損也
龍木論治內障眼有五退散用龍退蛇皮蟬退鳳凰退雞
佛退人退男子退髮等分一處同燒作灰研爲細末每
服一錢用熟羊肝喫不拘時候日進三服佛退人退之
名甚新可補入藥品異名中也

竹茹從竹而俗或從草作茹青精子從草而俗或從竹
作箱皆誤

松之餘氣爲茯苓楓之餘氣爲豬苓竹之餘氣爲雷丸
亦名竹苓豬苓在本經中品雷丸在下品茯苓在上品
方藥用之獨多以其得松之精英久服可安魂養神不
饑延年也又有橘苓生於橘樹如葦可治乳癰見趙恕
軒本草綱目拾遺

葛仙米乃山穴中石上爲水所漬而成楚蜀越深山中
皆有之龍青霏食物考謂清神解熱療痰火久服延年
本草綱目拾遺則謂性寒不宜多食按此物不入藥用
祇宜作羹味殊鮮美凡煮食者先入醋少許方以滾水
發之則大而和軟

木之用桑爲多曰葉曰枝曰花曰椹曰根皮曰汁曰耳
曰瘦曰油曰蟲曰寄生曰螟蛸凡十有二果之用蓮爲
多曰莖曰節曰莖曰葉曰蒂曰鬚曰花曰房曰實曰薹
曰汁曰粉亦十有二物皆有絲一稟金氣一得水精
理虛元鑑謂物性有全身上下純粹無疵者惟桑與蓮
良有以也

金匱要略王不留行散自註云如風寒桑東南根勿取
之後世註釋家謂風寒表邪在經絡桑根下降止利肺
氣不能逐外邪故勿取之吳鞠通推闡其義桑根之性
下達而堅結由肺下走肝腎者也內傷不妨用之外感

則引邪入肝腎之陰而咳嗽久不愈矣地骨皮爲枸杞之根入下最深力能至骨有風寒外感者亦忌用之其說詳見溫病條辨可補諸家本草之闕近世醫士能細辨藥性者少矣丙辰秋余戚吳氏婦偶感風寒咳嗽氣急某醫診之用桑白皮爲君咳嗽轉劇急令勿服改用杏蘇散加減乃愈

萬歷間陸祖愚

見三世醫略

治沈姓妻疫病垂危其鄰邵南

橋助銀兩許以備殯殮之資陸謂以其半易人參此婦尙可生乃以白虎合生脉二劑用人參五錢服後病勢減半於前方加白芍止用人參一錢服四劑而愈此可

想見其時參價之賤今之貧人遇病如需一兩參非銀十餘兩不可雖有良醫將如之何

杏仁潤肺利氣宜湯浸去皮尖麤炒黃若治風寒病則宜連皮尖生用取其發散也今人概去皮尖殆未達此意耳

服參不投者服生萊菔姚沅雲本草分經謂服山查可解本草綱目拾遺謂藥子殼煎湯服解參之力尤勝余謂疾之輕者猶可解重則無藥可解要在審所當用勿妄投而已

玉簪鳳仙本草綱目入毒草部玉簪之毒在根鳳仙之

毒在子皆能透骨損齒又如珍珠蘭茉莉等其根亦皆
有毒殺人

煙草明季始有之其種出於淡巴國流入呂宋國轉入
閩閩石馬鎮產者最良諸家本草皆載人毒草門彙言
謂偶有食之其氣閉悶昏潰如死其非善物可知備要
謂人氣薰灼耗血損年取其所長惟辟瘴除穢而已今
人嗜此者眾煙肆之多幾於酒肆埒雖不若鴉片煙之
爲害甚烈然能耗肺氣傷陰血凡患咳嗽哮喘虛損吐
血氣虛火炎等症尤宜遠之

輕粉辛燥有毒以治楊梅瘡奏效雖捷而毒氣竄入筋

骨變生他疾爲害無窮大風子之治癘風亦然製方藥者其慎之

本草謂梔子生用瀉火炒黑止血臨證指南治外感證多用黑山梔黃退庵云近多炒用用生者絕少余按仲景梔子湯有病人舊微溏不可與服之禁蓋以其苦寒也若炒黑則寒性減無論舊溏與否皆可服矣此所以用生者少歟

藥物來自海外者甚多中國之藥亦有遐方所寶重者如西戎之需茶唐古忒之需大黃日本之需殭蠶是也又往時專城入貢者特市土茯苓一時價昂百倍見錢

塘縣志

薄荷氣清輕而升散最甚老人病人均不可多服台州
羅鏡涵體質素健年逾七旬偶患感冒無汗以薄荷數
錢煎湯服之汗出不止而死舅氏周愚堂先生楨患怔
忡甫痊偶啖薄荷糕卽氣喘自汗不得寐藥中重用參
耆乃安

藥中所用椽實其木之名稱詩經曰櫟曰栲曰柞曰械
不結實者名械爾雅又曰杵椽實一名皂斗俗稱野栗子澀腸
止痢功勝罌粟杭州學廨傍有一大株夏日陰濃藉以
避暑深秋結實繁茂涼風吹墮撲檐拉屋終夜有聲頗

耐清聽

盧子孫本草乘雅牛偈備稱茶之功用採錄古今名家
論說以爲譜因謂常食令人瘦去人脂倍人力悅人志
益人意思開人聾瞽揚人四肢舒人百節消人煩悶使
人能誦無忘不寐而惺寂章杏雲調疾飲食辨則謂茶
耗人精血有消無息欲使舉世不飲實難勸喻惟飲宜
清忌多忌濃或以他草木之可煎飲者代之尤妙若夫
渴症及諸熱症發渴者多飲之病更難愈又謂古不專
以茶作飲故爾雅註疏但云可作羹飲並代茶兩字無
之由是觀之茶經茶錄明理人不屑挂諸齒頰矣一說

迴殊當以章說爲正如不能以他草木代之則宜少宜清之言切宜遵守章又謂俗尙陳茶僅隔年或二年止矣乃竟有陳至五七年一二十年者能令人失音或暴死蓋凡物過陳者皆有毒也此說亦世所罕知者

楊希落本草經解要考證謂萎蕤漆葉治陰虛兼令人有子卽華陀漆葉青黏散青黏世無能識或云黃精之正葉或云卽萎蕤也然吾鄉有兩老儒先後服此方皆致殞或云漆葉乃五加皮葉本經名豺漆也里有兵子臂痛不能挽弓或敎用萎蕤一斤五加皮浸酒飲盡自健旺勝常豈古方正爾綱目殆誤附漆樹耶漆本有毒

本經久服輕身及抱朴子通神長生皆難信有割漆人
誤覆漆徧體瘡至莫救向在中山親見况服食乎陶宏
景云生漆毒烈是也古無用葉者故氣味缺綱目殆因
古方臆立主治耳余按以五加皮葉爲漆葉前此所未
聞然二物氣類迥別是以應驗亦殊明理之士自當舍
漆葉而取五加皮究之古方藥品最宜詳審不可過信
前人之說爲所誤也本草綱目拾遺有雞神水云可明
目去障製法擇大蘿蔔一個開大孔須近莖一頭開勿
在根邊方可活孔內入雞蛋一枚種地上使其葉長成
取雞蛋內水點眼其目如童童慶堂隨筆又載製賽空

青法冬至日取大蘿蔔一枚開蓋挖空入新生紫殼雞卵一個在內蓋仍嵌好埋淨土中均四五尺深到夏至日取出用女人衣具包裹藏瓷器中否則恐遇雷電被龍攝去也卵內黃白俱成清水用點諸目疾雖瞽者可
以復明二法並可試用錄之

救逆湯之用蜀漆柯韻伯疑之鄒潤庵謂脉浮熱反灸之此爲實實以虛治因火而動必咽燥吐血可見脉浮被火應至吐血今更吐之是速其血耳矧千金外臺兩書非疫非瘧不用是物則是方之有舛誤無疑吳中方大章煥則謂蜀漆乃蜀黍之誤古漆字無水旁與黍相

似故也黍爲心穀用以救驚狂起卧不安者取其溫中

而瀉腸胃協龍牡成甯神鎮脫之功也

說見瘦吟醫纂

草藥形狀相類者甚多如茗芋似何首烏鉤吻似黃精
透山根似薜蘿天冬似石龍芮雞冠子似青葙子赤柳
草根似茜草根等不勝枚舉良毒各殊服食家均宜慎
辨

何首烏具人形者不可多得得而服之可以益壽然亦

有不盡然者湯芷卿

用中

翼嗣稗編云吳江秀才某見

鄰翁鋤地得二首烏如人形以錢二千買之用赤苳如
法製食未數日腹瀉死此豈氣體有未合歟抑首烏或

挾毒物之氣能害人也服食之當慎也觀於此而益信
賈星甫西吳蠶略所述頭二蠶較本草諸註家爲詳備
錄於此頭二蠶卽蛻珍也周禮夏官司馬職禁原蠶註
云原再也字書作蠶本草有晚蠶沙晚殭蠶等目皆未
詳辨遂誤以初蠶再出爲晚蠶原蠶矣不知其種迥別
凡二蠶繭蛾生種謂之頭二蠶種次年清明後卽養之
名頭二蠶時頭蠶尙未出也其眠其老甚速纔兩旬卽
收繭時頭蠶甫大眠也出蛾生子是謂二蠶種凡養頭
二蠶皆甚少無纈絲者其繭殼繭黃蠶沙皆入藥其殭
者尤不可得治痘有回生之功蓋時方春杪蠶亦得清

椒之氣故堪治疾殆珍之名所尤起歟本草所載專指此卽周禮原字之義未必不指此又云二蠶始稱晚蠶出於頭蠶登族之際飼以二葉自眠至老皆值黃梅時候鬱蒸日甚蠅蚋蛄蟻臭穢生蛆性偏熱有毒其繭其絲價亦較廉凡所棄餘僅以肥田從未入藥余按今藥肆所售蠶沙殭蠶大抵皆出於頭蠶耳藥類鮮真此其一也

麋乳性熱補陽虛寒體弱者服之獲效甚捷余戚王社亭居長興和平山中言其地產麋取乳恆在夏月土人伺有麋處遂去母麋捕乳麋殺之以腸胃曝乾取乳凝

結成塊每兩可售錢一千作偽者每以牛羊等乳代之
求之肆中鮮有真者矣

表兄周星舫明經

士恩

在洞庭東山授徒言山中鄭社

儀家蘭花絕盛傳有治難產方最靈採素心蘭花陰乾
收藏臨用以一二泡湯飲之又言山中有黃天竺子泡
湯飲之治肝氣極效余按天竺子祇見紅色者黃色則
未之見星舫言山中人亦甚貴重此種不多得也

辣加性大熱草杏雲調疾飲食辨以爲近數十年羣嗜
之食者十之七八

父母嗜食辛熱其精血必熱故遺害於兒女

飲食以冲淡

和平爲正醲厚之味久必傷生毒劣之物嗜之損壽乃

食此而不盡天者以體無內熱也若有內熱死安能不速耶其言可謂切至以此推之非獨辣椒不當嗜也凡胡椒生薑韭蒜等辛溫之品皆足以劫陰而傷生慎毋多食

許辛木云阿魏最難得真諸書皆言極臭恐防作吐蓋肆中皆以胡蒜白偽造也余有友人貽以塔爾巴哈臺阿魏精其色黑中帶黃並不甚臭祇之氣味極清不作惡心乃知真品因自不同江浙去西番萬里而肆中所售阿魏其賤其偽可知且極臭傷胃有損無益勿用可也余謂藥之無真如桑寄生川鬱金化州陳皮之類求之肆中悉皆他物以之治病必不見效均當勿用

冬雪水

臘雪更佳

救時疫大熱症獲效最速余在杭州每遇冬

雪卽取藏壙中咸豐戊午四月與夫王姓發熱身腫嘔吐

不食心口大熱似有一大塊塞住胸間病逾十餘日已危

罵其妻來求藥乃以雪水與之飲一大碗卽安睡半時許

徧身大汗身涼思食而痊時其鄰祝氏婦懷孕數月亦患

熱症甚劇王氏婦以所餘雪水令飲亦卽熱退獲痊

方書言白果食滿千枚者死以其壅氣也由此推之凡

菱芋南瓜等滯氣之物俱不可多食病人尤忌

棟根皮出土者殺人續名醫類案中毒門謂棟樹根出

土者殺人朱氏子腹痛取棟子東南根煎湯服之少頃

而絕余按本草謂棟樹雄者根赤有毒殺人雌者色白入藥用是棟根之有毒不得僅以出土者概之矣

繆仲淳廣筆記方藥有用紫河車胎元孩兒骨化屍場燒過人骨等其爲本草註疏復備言天靈蓋人胞初生臍帶之功效未免有傷陰德不若本草綱目之於人骨人胞天靈蓋深以殘忍爲戒然臚列氣味主治及方似當概從刪削詳述用之者有損而無益庶幾爲仁人之言乎

今之所云沙苑蒺藜卽古之白蒺藜今之所云白蒺藜乃古之茨蒺藜也今之所云木通卽古之通草今之所

云通草乃古之通脫木也今之所云廣木香卽古之青木香今之所云青木香乃古之馬兜鈴也收黃家用藥豈得泥古而不從今耶

周乙黎嘗患徧體發細癩甚痒以枸骨葉煎湯代茶服之獲痊按枸骨一名猫兒刺俗名十大功勞味苦甘平葉生五刺九月結子色正赤本草彙言稱其去風濕活血氣利筋骨健腰腳本經逢原稱其活血散瘀又能填補體藏固欽精血今方士每用數筋去刺入紅棗二三筋熬膏蜜收治勞傷失血痿軟往往獲效似其能調養氣血而無傷中之寒也蓋其功用至宏而醫者概不以

人湯劑屈此良藥矣

廣陽雜記云余昔在杭遇一滿洲老人雙目皆矇藥不能立時奏效有貨空青者其人酬以重價將用之矣始問之余余曰此物生銅坑中必銅精也銅性能伐肝有餘之症自無不愈今公年老而脉症俱虛當用溫補之品若用此當無益有損其人且信且疑乃破青取水先點右目一夜大痛目精爆焮始悔不用余言而猶賴余獲全其左目也後用養肝滋陰之劑將及一載左目復明觀此益知審症用藥辨品宜精未可輕用也

梧桐入藥者少然有一方可傳泄瀉不止服諸藥罔效

者用梧桐葉煎湯浴足大有神效

海上他方

疝氣常食梧桐

子效

齊有堂醫案

神黃豆諸家本草不載惟見於葉

大椿

痘學真傳云神

黃豆種出雲南能稀痘生熟各一甘草湯咀服然不若

梁晉竹孝廉

紹王

兩股秋雨庵隨筆所述爲詳云神黃

豆產滇之南徼西彝中形如槐角子視常豆稍巨用箬

瓦火焙去黑殼碾細末白水下之可除小兒痘毒服法

以每月初二十六日爲期半歲服半粒一歲一粒遞加

至三歲三粒則終身不出矣或曰按二十四氣服之以

二十四粒爲度

芭蕉根汁治疔走黃甚效震澤鈕某患疔食猪肉走黃
腫甚其妻向余室人求方令取芭蕉根搗汁一宮碗灌
之卽腫消而痊次日入市逍遙矣且不獨可治疔凡熱
毒甚者亦能療之妹婿周心泉家之姬唐姓夏患熱瘡
至秋未已白頭至足連生不斷令飲汁一茶鍾熱毒漸
消而愈

粵人喜啖檳榔謂可辟瘴而不知其益少損多吳人喜
啖苧麻子往往種之成林採曝炒食此尤當戒蓋其性
辛熱瀉人元氣隱受其害者多矣此藥本草列苧草門
且食此者一生不得
食炒豆犯鄉愚無知食之每習以爲常可慨也

葱蜜同食殺人世皆知之韭與蜜糖同食亦能殺人則

邪之者鮮矣

見黃閣齋折肱漫錄

食忌

本草云多食韭神昏目暗多食葱神昏髮落虛氣上衝多食萊菔動氣多食芥菜昏目動風發氣又云虛人食笋多致疾浙人食匏瓜多吐瀉馬齒莧葉大者妊婦食之墮胎此類不可勝數尋常蔬菜亦足爲患其他可知養生家所以必慎食物也

石門趙屏山明經

宗藩

自甯波旋里過紹興訪友於郡

城一僕家在城外乞假歸省途中買鱸魚至家使其妻

烹之適其隣人來視遂留共食食畢皆口渴腹痛叫號
移時而死其身化爲血水僅存髮骨識者謂誤食糾糾
而然趙次日候僕不至遣人往問始知其故遂終身不
食鱸余按鱸身尾皆圓斜耕身尾皆扁口有二鬚可以
此爲辨然鱸有昂頭出水二三寸者爲他物所變其毒
亦能殺人養生家宜慎用之

山谷產菌種類不一食之有種毒者往往殺人蓋蛇虺
毒氣所蘊也咸豐五年六月初三日烏程縣施家橋吳
如玉之母山中采菌甚多族人吳聚昌之妻乞而分之
炒熟以佐夜飯其子媳與女同食之二更後嘔吐腹痛

至天明四肢抖縮肉跳齒咬四人同時殞命如玉之母亦食之而死雞食吐出之物頃刻卽斃剖視腹中祇有硬肝餘皆腐成青汁夫山人食菌本爲常事麥熟及寒露時菌甚多味極美蘇州有熬成油者預爲持齋過夏之需取其鮮也今吳姓家食菌而死者五人可謂奇慘烏程楊穀亭封翁炳謙特爲作記刊傳以示戒言若必欲食之須用銀器同煮須久置待冷試觀銀有青黑色者斷不

可食如中其毒飲以藁汁可解又地漿水亦可解毒其

法於牆陰地掘二三尺深以水傾入攪勻取上面澄清水

冷飲之

按東林山志云五月雨水浸淫之時蘆生于山谷惟淡紅色黃色者無毒可食寒露生者色白

名寒露草亦無毒可食其大紅者黑者有毒殺人人或中之食薑汁可解又衛生錄云薑上有毛下面光而無紋者及仰按赤色者或色黑及者不熟者並不可食物理小識云以燈心和薑煮或以銀簪淬之燈心與薑黑色者清異錄云荆湘習爲毒藥以中人其法取大蛇卽有毒清異錄云荆湘習爲毒藥以中人其法取大蛇斃之厚用茅草蓋覆幾旬則生菌菌發根自蛇骨出候肥盛采之令乾搗末糝酒食茶湯中遇者無不赴泉壤世人號爲休休散觀此則菌之生自蘊毒者往往有之服食家可不慎歟

酒

許元仲三異筆談謂蔡孝廉焜素不飲酒公車北上苦寒飲燒春甘之遂非此不飲如是者二十餘年一夕局

戶寢嚮午猶不起家人執扉而入室中潄然衾帳皆焦
半身燼矣手猶握煙管竟與本草所載倚馬焚身事同
蓋煙火引發倏如爆竹之發耳又會稽陳端甫學博慶
儒言其同鄉某生酒戶甚大一夕飲燒酒滿罍復吸水
煙忽火自腹發骨肉半成焦炭嗜燒酒者可以爲戒

鴉片煙

鴉片煙爲害甚巨有大土小土之分大土出於外國三
異筆談述之詳晰云余在永嘉知庫書張元龍犯此欲
繩之訖曰已絕此二年曾以辦船料渡海至蘇祿國
親見鴉片本質故毅然不敢食耳詢知其詳云國俗皆

裸葬一畝之地百族共之積累百年其地之值不貲矣
造法先掘土數丈築其底極堅併四旁亦築取掘出之
土搗之極細飾之極淨曝之極乾乃於城中鋪石灰一
層加土一層壘粟辦一層糯米粥一層覆以蘆席蓋以
瓊再壓以板自春徂秋而成以金易土價且倍徙然大
約吸數百年前陳人之膏血故一見誓死不再食也絕
之之法以十全大補湯加鴉片灰俟肌發時服之初甚
委頓漸服漸愈兩月餘復初

吳曉鈺言其族叔椿齡習岐黃家言乙卯秋以時疾卒
其司會計者曰吳梅閣性不羈吸洋煙偶至友人倪梅

岑家倪適他山假寐以俟忽夢椿齡至曰子將有難能
戒鴉片煙則免余授此方出一紅紙示之上書人參枳
椇子赤糖各一錢每日煎湯服之十六字戒曰七日不
見煙具則朋絕矣毋蹈故轍也醒後依方服之果效曉
鉦素執無鬼論者及聞梅閣口述是事乃信史遷有物
之言洵不誣也余按人參補肺氣赤糖消煙積用之甚
當枳椇子世第知其解酒毒然陳藏器言其解渴除煩
去膈上熱潤五臟功用同蜂蜜則其所長不第能治酒
病也况鴉片煙性熱燥烈視酒尤甚用此治之殊有至
理

雜方

杭州汪鐵樵土驤傳方用野雞腳雌雄成對瓦上焙乾研極細末磁瓶收藏凡腳跟爲釘鞋擦傷而爛及腿膝等處磕破者以此敷之卽結痂而愈因憶山東青駝寺吹津膏治腳跟傷最靈今得此方無事遠求矣

太乙紫金錠方出於道藏元人所輯衛濟寶書續添方中載之名曰神仙解毒萬病丸則以爲喻良能方葛承祖傳方後詳載各症治引並可救自縊落水

用冷水磨灌下云

紹興府卽有施此藥者渠一子溺水已死用其法救之

遂甦

治瘟疫浮腫及大頭瘟用黑豆

二合炒熟

炙甘草二水二碗煎

湯時時呷之即所謂靖康異人方也

靖康二年京師大疫有異人書此方

此外約略舉之如聖濟總錄治赤白痢用黑豆

半升炒去皮為

末四甘草兩綿裹入湖水三升煎一升分二服洪氏集

驗方治腳腫用黑豆甘草煎湯服之壽親養老新書治

老人小兒冬月諸熱用大黑豆

三升洗淨

甘草三兩

細剉水六升

煮令爛熟時時與三五十顆與食之汁亦可服吳曉鉅

活人一術云解丹藥毒以黑豆甘草煎湯飲之此方之

用甚廣皆取其解毒清熱劉松峯云甘草炙則帶補宜

用生者信然

聖濟總錄大活絡丹與近世所傳回生再造丸藥味大

同小異大活絡丹五十味與再造丸異者八味白花蛇

烏梢蛇 草烏 貫眾 不香 沉香 水安息香

黃芩是也再造丸五十六味與大活絡丹異者十四

味川芎一兩黃耆二錢白芷一兩桑寄生一兩海南香一兩草薺

仁一兩天竺黃一兩蕁薺一兩紅花一兩薑黃一兩硃砂一兩琥珀一兩

斯蛇四兩穿山甲四兩是也二方所皆有者四十二味人參

兩白朮一兩茯苓一兩炙甘草一兩熟地二兩赤芍一兩當歸一兩首

烏一兩肉桂二錢附子一兩麻黃一兩防風一兩威靈仙一兩細辛

兩羌活二兩葛根一兩天麻一兩僵蠶一兩乳香一兩沒藥一兩丁香

一藿香兩香附錢八青皮錢八烏藥錢八松香錢六白蔻仁錢八骨

碎補兩一元參錢八川連兩一大黃兩一血竭錢八膽星兩一龜板兩一

虎脛骨兩一犀角錢八兩頭尖兩一半黃錢三全蝎錢五地龍錢八

冰片錢二麝香錢八製末蜜丸每粒重一錢二分金箔爲衣

陰乾蠟殼封固此方治中風癱瘓痰痺痰厥拘攣疼痛

滿身麻木癰疽流注跌撲損傷小兒驚癇婦人停經等

症尊生入棧曰年過四十當預服十數服至老不生癩

疾年過六十不宜服徐靈胎謂頑痰惡風熱毒瘀血入

於經絡非此方不能透達凡治肢體大症必備之藥也

河溪醫案云治方書亦有活絡丹祇用地龍乳香等五

虛痰流注均效

六味乃治實邪之方也

余以庠寓杭州以藥舖為業留心醫學言其先世習瘍醫雖遺書散失而記憶秘方尙多有治腳蛀方最靈用爐甘石六錢象皮龍骨各三錢冰片一錢輕粉三分爐底少許外科燒升丹之爐底雜貨店有之共研細末搽之神效腳爛而不能行步俗名腳蛀南方人多有此疾腳蛀慘明未瘳不能止反增疼痛余家傳方用老煙末之爆濕止瘡亦頗應驗

同邑鄭拙言學博鳳鎮性喜單方言其經驗最靈者有

四道光壬寅年館樂平汪軍門道誠家裏門前腎囊後

起一堅塊漸覺疼痛虛寒虛熱時作案頭有同壽錄檢

一方云跨馬癰初起用甘草五錢酒水各一碗煎服如
方服之塊漸軟次日略出清水不數日全愈從兄珊瑚
家一婢年十六七忽身起紅暈有若熱癰者由背漸及
胸飲食少進識者云此蛇纏也至心坎不可救矣偶檢
回生集有一方用蠶俗呼料子上斷取其年久用多新不必定欲斷者新
瓦上煨存性香油調抹令試之不數日痂脫健飯如常
治喉風神效方用青梅浸食鹽出水取大蜒蚰入其中
不拘多少甲午秋聞捷日設饌以待報子內一人忽
喉痛如鯁勢甚危取所製蜒蚰梅令咽一枚平復如常
晚間已能啖飯矣端午日午時收取晚蠶俗名頭二不

拘多少置竹筒中用紙密緘掛當風處須雨淋日曬不
到四十九日後遇人有竹木刺入肉不能出者用此研
末拌津唾塗患處刺立出同里蔡晴江家一媼手被竹
刺疼痛不能洗衣以此塗之即痊

一新婚者患疾諸醫以虛治之補劑雜進體日殆名醫

沈耿文

橋鄉縣人
居後珠村

視之見臥室中妝奩甚多皆新漆飾

成曰此乃爲漆氣所傷

俗名漆咬

非病也令於木工家取杉

木屑煎湯洗之復投解漆毒之藥不日霍然按坤元是
保云嘗有新婚人漆咬認作發風毒症不知乃新漆嫁
事所觸也以明礬煎濃拭之三四次即效沈之見正與

相同

休甯汪生

作雲

年甫成童忽患腸紅晨起必大下一次

血多糞少閱兩月餘日漸消瘦有人傳方白木耳水煮
淡食日食一錢未及一兩全愈藥苟對症何必以多爲
貴哉

誤良頭髮成癥胸喉間如有蟲上下去來古方以入土
舊木梳齒煎湯飲之此物不可得一方用雄黃五錢水
調服辨是症者更以好飲油爲憑每飲四五升方快意
蓋髮入胃中血裏化爲蟲也

先友錢石林上舍

標

性至孝母徐孺人素患風濕頻發

不愈石林百計醫治竟得海風藤花配紅棗以陳酒煮
飲服之獲效遂常服焉病不復發壽至八十餘海甯蔣
寅昉光煇偶患火丹兩臂紅腫而疼諸藥不效後得一
方用百合研細末白糖共搗爛敷之卽痊此方醫者罕
見價廉而效速可傳也

方書言肝胃氣痛用玫瑰花陰乾沖湯代茶服湯芷卿
入龍眼肉成膏愈吳洛生大令之母脘痛一則入脾和
血一則入肝行血補泄均宜所以獲效

保壽堂經驗方三卷明劉天和撰方皆精當其治泄瀉
少進飲食方尤爲簡妙用糯米一升水浸一宿瀝乾燥

漫火炒令極熱磨細羅過如飛麪將懷慶山藥一兩碾末入米粉內每日清晨用半盞再入沙糖一茶匙胡椒末少許將極滾湯調食其味極佳且不厭人大有資補久服之精寒不能成孕者亦孕蓋有山藥在內故也此是一秘方勿輕視之

余家工人吳法才患大腳風余母周太孺人傳有單方用海桐皮防已片薑黃原蠶沙各三錢蒼朮二錢煎湯薰洗日三四次獲愈此方治愈者已多愈後因行路過多兩腳腐爛諸藥不痊周太孺人令以古墓石灰細末摻之即愈後以治爛腿無不愈者

古厭勝法有用以治病獲效者百一選方云密以淨紙書本郡太守姓名燈上燒灰湯調下卽產沈從先曰余嘗見書正人君子姓名燒灰調下治產難用淨帕珍重束男左女右臂治鬼瘧最靈又閩人迄今皆書龍江林先生姓名諸怪症皆治卽選方遺意也吳江徐娛亭傳一治瘡法亦效以雲片糕一片書黃帝顓頊之神位七字更以一片合之勿使見字令於發瘡前二時食之

質正

宋史龐安常傳明史凌雲傳皆載治產婦胎不下隔腹針兒手而得生楊州府志之記殷渠嘉興府志之記孫

浦則產婦皆已死見其血而令啟棺隔腹針之而復生
此於情理未合不足深信

曲禮云醫不三世不服其藥鄭氏註云慎物齊也孔氏
疏云凡人病疾蓋以筋血不調故服藥以治之其藥不
慎於物必無其微故宜戒之擇其父子相承至三世也
是慎物調齊也又說云三世者一曰黃帝針灸二曰神
農本草三曰素女脉訣又云夫子脉訣若不習此三世
之書不得服食其藥然鄭云慎物齊也則非爲本草針
經脉訣於理不當其義非也按此則所謂三世者註疏
因主父子相承之說也近世有專主通於三世之書而

以三世相承爲俗解之誤殆未讀註疏耳且經書文義雖古而辭無不達旣謂通於三世之書何以不明言之而曰醫不三世故作此不了語以炫惑後世乎

王樸莊謂古方一兩者今之七分六釐一升者今之六杓七杪東醫寶鑑謂古方一兩者今之三錢二分五釐一升者今之二合五杓如仲景炙甘草湯藥料最多共曰十六兩用酒七升水八升準於王說爲今之三兩四錢九分六釐今之七合有零則酒水太少如東醫寶鑑之說爲今之十四兩九錢五分今之三升七合五杓則藥料太多似當從王之兩數東醫寶鑑之升數乃爲得

之

湖州費星甫野語云儒醫張夢廬之舅氏沈翁以外科
著有女大腹隆起中有結塊儼若私胎遷延日久腹益
膨脝夢廬診其脉曰此乃腸癰無術以治之危矣沈遂
悟扶女足踰板櫬之兩頭出其不意將女腹重踢倒地
昏暈其癰內破膿從大小便出數斗遂按法療治獲痊
余謂腸癰膿已成者金匱千金皆有成法可遵何必出
奇行險以治之且經云腸癰爲病不可驚驚則腸斷而
死此女患癰日久又加之以重踢其腸有不斷乎此傳
訛之辭未可信也

夷堅志謂台州獄囚遭訊拷肺傷嘔血用白芨爲末米
飲日服後其囚凌遲剖者剖其胸見肺間竅穴數十處
皆白芨填補色猶不變此說李東壁採入本草綱目醫
家皆信之獨進賢舒馳遠詔傷寒集註謂隔諸脊骨不
得傷肺何肺拷壞而骨不壞耶且白芨由食管入胃不
得由氣管入肺其誑顯然云云因思古方催生用鼠腎
丸兔腦丸云其藥從兒手中出由舒氏之說推之則胎
在腸外藥入胃中何以得入兒手乎然觀徐靈胎醫案
橫涇錢氏女腿癰成管管中有飯粒流出長興周氏子
臂疽經年所食米粒有從疽中出者又槐西雜志治折

傷接骨用開元通寶錢燒而醋淬研細爲末以酒調下
銅末自結而爲圈周束折處曾以折足雞試之果然此
皆理之不可解者是則昔人之說未可竟斥爲非矣
張鷟朝野僉載云洛州有士人患應聲語卽喉中應之
良醫張文仲令取本草讀之皆應至其所畏者卽無聲
乃錄取藥合和爲丸服之應時而止其後遜齋閒覽載
楊勔腹中應聲讀本草至雷丸不應服數粒而愈泊宅
編載毛景喉中有物應聲誦本草至藍不應飲汁吐蟲
而愈其說皆爲方書所徵引竊意蟲之應聲乖氣所感
非有知覺之靈豈能聞所畏之物而遂不作聲乎殆皆

小說家附會之辭

靈樞經謂人呼吸定息氣行六寸一日夜行八百一十丈計一萬三千五百息何西池以爲僞說人一日夜豈止一萬三千五百息余嘗靜坐數息以時辰表驗之每刻約二百四十息一日夜百刻當有二萬四千息雖人之息長短不同而相去不甚遠必不止一萬三千五百息然則何氏之說爲不虛而經所云未足據矣盡信書不加無書此之謂也

噦噦之說諸家各異王氏準繩援據內經正李東垣王

海藏

以噦爲乾嘔

陳無擇

以噦爲欬逆

之誤而從成無已許叔微

之說以噦爲呃逆以噯爲噫氣此可爲定論徐靈胎批
臨症指南噫噯篇云噫卽呃逆病者最忌噯爲飽食氣
非病也何可併爲一證王孟英潛齋醫話嘗之謂噫不
讀爲如字乃於介切飽食息也以噫噯名篇於義實贅
徐氏誤作二種殊失考况噫有不因飽食而作者亦病
也仲景立旋覆代赭湯治病後噫氣徐氏誤噫爲噦謂
卽呃逆蓋此湯原可推廣而用凡嘔吐呃逆之屬中虛
寒飲爲病者皆可治余嘗以治噫氣頻年者數人投之
輒愈益見徐氏之僅泥爲飽食氣未當也是蓋宗王氏
之說而其義更融澈矣

終

余於癸巳秋得桐鄉陸定圃先生冷廬雜識書板既已
補其殘損訂正以行世矣先生精於醫識中所採歧黃
家言正復不少竊以先生於醫學必有所心得爰益購
求先生之遺書於乙未春得再續名醫類案若干卷繼
又得冷廬醫話若干卷俱手抄本未付梓者醫案採摭
繁富足補江魏二書之未備醫話則專以辨證為主凡
述一證必推究其虛實源委而指摘醫家利弊言多精
鑿自序謂摭拾聞見以自達其意之所欲云噫豈易言
歟余以醫話之尤有裨於世也亟付手民壽諸棗棗仿
古香齋袖珍本以便取攜暇日擬再訂正醫案續以行

世皆光緒二十三年太歲在強圉作噩季冬之月烏程
龐元激跋